



SUTTON PARK SCHOOL
89 Vine Street, Mangere East, Auckland 2024
Telephone (09) 276 4560 Facsimile: (09) 276 4529

Principal: Fa'atili Iosua Esera

Talofa! Talofa lava i lo outou mamalu Mātua,

Mo lo outou silafia, e to'atolu i latou ua faamaonia le aafia i le Koviti -19, i Aukilani i Saute. O lea ua faasilasila mai ai e le malō, o Aukilani atoa, o le a se'e ese mai le Lapata'iga Numera 1, agai atu i le tulaga o Lapata'iga Numera 3 mo le isi 72 itulā. Amata i le pō o le Aso Sa nei (14Fepuari 2021)

O lona uiga, e tatau lava ona matuā taofia fanau i totonu o aiga mo le taimi atoa lea.

E tatalaina atu le avanoa mo aiga ua matuā leai lava se tasi e vaaia nai fanau. O le a mautinoa foi le tausisia lelei o tulaga uma mo lo latou saogalemū. O tamaiti ia o le a faaoga a latou ufiufi fofoga (masks) ma fufuluina o latou lima ina ia malu puipuia ma saogalemū. Ua saunia uma vaega ia, i totonu o potu a'oga.

O le a na o fanau foi ma faiaoga e faatagaina i totonu o le a'oga, a o tatou i ai i Lapata'iga Numera 3. Mo i latou e fia asia le a'oga, e tatau ona feutaga'i ma le ofisa mo se taimi.

O le camp foi a le Tausaga 7&8 sa fuafuaina mo le vaiaso lenei, ua tolopōina seia faamautūina se isi taimi.

E ui lava ina o se taimi puupuu, ae o lo o faamalosiā pea le vā o le isi ma le isi i totonu o le a'oga i le taimi nei e pei lava ona faatinoina i nisi o vavao sa tatou i ai muamua.

O mo'omo'oga o le loto, ia mafai ona matou fesootai atu pea ia te outou ma nai fanau.

Faamolemole, asiasi ma taga'i ane i le upega o fesoota'iga a le tatou a'oga, po o le leitio foi, mo faamatalaga.

O le Koviti-19, ua mautinoa ma faamaonia, ma e tatau ona tatou amana'iaina. Ae ou te iloa, ia tatou faatino tulaga uma tatou te mafaia, ina ia saogalemu i tatou ma o tatou aiga, aemaise o nai fanau faapea le komiuniti.

O le a tatou felogoga'i pea, pe a tulai mai nisi suiga. Faamolemole, faafesoota'i mai, pe a i ai ni vaega e fia silafia atili.

Faafetai lava

Fa'atili Iosua Esera
Pulea'oga/Puleako/Tumuaki/Principal
Master of Education [Merit]